

夜雨秋燈錄

宣瘦梅著

第二冊

進步書局校印

夜雨秋燈錄卷四

天長宣 鼎瘦梅甫著

佟阿紫

佟阿紫楚人也。幼失怙恃。孑然無棲止。年十五。隨戚學貿易。走魯之登州。戚病。佟日夜侍湯藥。殺則盡。以旅橐市櫟具。厚殮之。泣求客之楚者。附舟回。臨別。焚楮誓曰。阿紫從君來。不克送君返。敢有侵吞分文者。鬼且殛。神且誅。誓已。大哭。聞者流涕。然佟由是竟困為丐。會海濱飛來村孝廉郝隱。義而撫之。回顧佟貌脩整。性靈敏。勤於事。得人憐。村之巨室咸招阿紫司奔走。以故傳食得不餒。久之。得隙地。結茅棚。如斗大。外繚土垣。中種蔬果。漸免託沿門鉢矣。巨室欲泰之家。不可欲配以婢。亦不可。告衆曰。男兒不能自立。何以家為。倘荷諸長者蔭。亦非終歌朝雉者。一日。抱甕僂臥牛畔。聞雷聲殷。疑知山雨至。蟄伏棚底。至晚雷益迅。雨更急。電走金蛇。鼻觀透疏黃味。佟伏地自陳曰。某年甫十八。無愧怍。惟撇父母墓於鄉里。清明無一盂冷麥飯。寧上蒼欲擊吾項耶。突霹靂震山岳。若有巨物。骨冬墮中庭。意為雞爪尖喙者。無疑。瞋目待斃。久之。雷收聲。而雨亦霽。濕雲縷縷。裹銀蟾。倏明滅。瞰菜畦。果有一物。黑摸索觸手軟膩。燃火照之。則一端正好女子。衣樸素。盡沾濡。鼻端有喘息。胸前尚溫暖。惟昏昏若睡。

呼不應。大懼。反扃短柴。衝泥走告郝。不信。言之確。遂起。遍告村人。扉邀往。覘其異。每人篝燈。明若晝。比至。則女子已甦。嚶嚶細泣。大衆環視。秋波灼灼。無一語。郝命人扶入棚。即藉阿紫短榻上眠。衆席地坐。詢之。女自云郝姓。小字五銖。所居爲極大村莊。居人甚夥。距郭甚遠。實不知隸何郡邑。多兄弟姊妹。惟己恒得父母憐。是夕正衽何趾。後入己房間。頭忽眩暈。心雖了了。而耳鳴如鼓風濤。身輕若御雲霧。旋更昏瞶。比甦。則不知何故至此。處衆覩其粧束。若吳越。聽其口音。若山陝。問伊父母名氏。搖手示不知。問可否婚聘。亦搖首示待字。喜曰。我同宗也。但若是。則何法爲爾寄音耗。女子哭甚哀。郝憐而止之。與衆耳語瑣碎者。久告女曰。此爲佟郎居。彼此怨曠天涯海角。相遇乃鬼神撮合。雷霆主婚。僕與汝同姓。論年齒可爲吾猶女。擬遵天意。以汝妻佟郎可乎。女翹首四盼。郝急推阿紫示之曰。是兒雖貧。量非終於貧者。女睨之意似許可。佟面赭流汗。向衆力辭。郝曰。癡男子常守鰥耶。天意已定。違之恐不祥。村之父老。釀資謀花燭。頃刻得五十金。夜向晨。村婦咸至。爭出衣裙釵鈿爲女助粧。粧竟美麗絕倫。小市酒肴。即日合卺。明日女親詣郝。蔭膝下。作螟蛉女。郝疑女必嗔佟郎貧。久之竟伉儷。日久同操作。辟繯索。綯分郎苦。一日夫婦攜鋤刈蒿蔚。忽見兩金鸞戲于庭。脩上下。鳴且舞。女戲以竹竿撲擊。墮地。沒掘尺餘。即得黃金二餅。佟欲易以市田宅。女不可。曰。貧人暴得大

財徒取禍耳。郎盡走他郡學賣數年歸示人知富之有由來。妾甘為郎守。泚作生活量不致餒。佟遂泣與別。往告郝。亦深以為然。并自任照看女。佟徒步遊江南。詣晚之鍾離。遇甄叟巨商也。凝視其相。說曰。君當大富貴。奈何草衣芒屨掩人目。佟遞謝直陳。迺延歸。授以白銀五百金。曰。且之江南學負販。無論何貨。第運之。虧不汝怨。盈則除母分子金。佟過江。思販諸利息厚。遂投牙行。以五百金全作孤注。兌訖。白足走泥淖。行至江口。正喚渡。忽有放飛炮者。豬驚逸盡入蘆葦中。呼之不再出。痛哭欲覓死。又戀五銖無已。吹簫乞吳門。忽遇同鄉李叟。說曰。子何一寒至此耶。泣告以故。叟笑曰。子真商賈中之離稚者。凡運白蹄必須先養犬。彼項掛鋼釘皮圈者。非歟。豬偶有逸者。嗾犬銜之回。若全賴人力。宜其憊也。贈五十金。並假兩黃犬。馴且猛。即日代運豬數十口。屬且渡江。試為之。佟拜辭。偕盧令往。重至江口。心方惴惴。忽天大雷雨。江波如山。晝昏黑。若夜。佟癡立雨中。聽豬自竄。比雨霽。則豬皆烏有。僅兩犬在焉。憤極返江店。出資飽餐。并以甘旨飲犬。店主人問將若何。佟作恨聲曰。者番當深入叢莽窮搜之。主人搖手曰。莫孟浪。此中有巨蛇。曰蘆蟒。力大能噬人。且江州沙軟多坑陷。墮則死矣。佟曰。寧入蟒腹死。不以失信生卒往。至則犬斷索奔入。佟無導引。惟蹲而待。少頃。乃犬聲喧。豕聲啾啾。呼號震江水。霎時羣豕魚貫出。鵠立俟。若就拘束。不敢動視之。其數較前所失

者十數倍而且肥膩茁壯其值約五千金仍有餘念天欲暮雨犬始流汗出血滿口吻適江船泊五六隻至急驅渡江蓋船即江北豬行來迎客貨者頃因翠華南幸豕價大昂故逃於江潯耳比抵北岸堅坐待價牙曰再遲則殆矣終不聽明日價更增三日後終心怯售之得八千餘金存金更票帙潛往鍾離告甄叟自佟去後夥人咸云佟過叟不以為然至是佟歸益張筵酬之筵呈票符并白顛末叟笑曰君亦太稚氣前家既逃亦何必乞不歸然子所遇李叟尚欲見之否曰正欲白主人酬所假叟笑呼十八子可出晤佟家郎叟出即李也大驚視犬更雜衆犬中若叟家素養者益駭少頃恍然悟蓋甄叟早知佟事故遣李送犬與金耳明日盡以七千金假之副以幹僕囑再之楚曰遇貨即運無不利也佟往返二次獲數萬兼以楚無親族函父母骸骨歸再詣叟曰可矣分子金與之尚五萬有餘欲妻以女辭曰家有糟糠且別已三載不欲效薄倖也問何如人述前事叟驚曰其面龐團白眉纖而長名五銖者耶曰然翁何以知之曰此吾姨姪女也渠父母皆陝人流寓於皖亦富家翁其居即在敝村之南大樹千章簾竹樓者是也某年月日為雷雨攝去安知為君夫人耶翌晨引佟見郝翁媪一家沸騰歡笑狂喜翁媪急欲見女遂由淮駕海舶親送東床運資返登一帆風順不日抵飛來村骨肉相聚如夢寐如隔世也悲喜可知道奩具又極豐備并厚酬孝廉與之聯譜

系居半年。欲攜婿家同之。皖女曰不可。兒不忘村人德。遂出千金。厚酬村之貧乏者。女僅生子一。因體羸多疾。為夫置妾。媵生子女若林。立郝夫人。性惟鍾愛女。環西苑。築甥館。同居焉。阡陌雲連。樓閣華偉。不啻世家。至諸子成立。遊庠序。女年甫四十有五。猶妍麗若天。人一名夢偉。丈夫荷雙籠來。內皆紗帽。纍纍舉而遍掛屋角。幾滿。尾更有纓帽。銜寶石。挂孔翠者。亦夥。丈夫挂訖。故俯瞰籠內。嘖嘖稱有餘戲。掀擲過西墻。笑曰。便宜他寐告佟。知子孫必多有。科甲顯宦者。後果驗。然時方明季。不識纓帽。是何威儀。至盛朝。佟姓世居魯。仍簪纓。拾青紫。所以有寶頂翠羽帽也。至拋擲墻外者。蓋婿家均貴。亦不減外家。此桃源令孫夢麟所云。懷儂氏曰。彼美人兮。天涯海角。而氤氳簿上。早訂婚姻。鬼神無奈何。始幻此縮地法耳。當不負死友臨奠數言。實諸天菩薩所共聞之。而一齊墮淚者也。或另註奇緣。使之得內助。享厚福。未亦可定。嘗聞四川周姓。亦曾有之。與此事同。

雪裏紅

北里非相攸之地。勾欄無立節之媛。然未可以一概論者。昔京都薛氏女。貌絕艷。攜一婢一媼。賃宅以居。自云十五歲矣。出多金。啗市司街卒。遂安堵。而開錦泥窠也。嘗簪花傅粉。乘犢車。往城南觀新劇。傀儡棚亦輪為之停。遂不言。而知其錢樹子也。游蕩兒羣擁之歸。問鄉貫。

游踪均萌蘆提以對。問香名。則曰薛氏行一。侍者呼為一娘。問夜合須多寡。則伸玉臂露守宮砂。曰六歲時。遇吾師以丹藥點作貞驗。至今身猶處子。不願作夜度娘也。曰若是。則必工吟善詠。如卿家校書名。濤者乎。曰非所長。曰是必唱鷓鴣舞柘枝。如謝家姬乎。曰非所長。曰或者能刺鴛鴦錦。如卿家針神。號夜來者乎。曰妾病未能也。衆撫掌曰。審是。究以何術。博纏頭錦。女含笑呼婢捧磁甌出。中列骰子六。供几中央。再拜安置。訖曰。妾名雖倚門。實則求偶。請以相思之骨。代風月之媒。是亦遵吾師命也。來者以白金十兩作孤注。無論齒高下。貌妍媸。一擲成六紅者。即嫁為婦。無食言。然十兩僅一擲。再擲再破慳。妾守信。君等毋吝財也。衆曰。妙哉。是真別樹艷幟。而另繫赤繩者。呼僮競取白銀至。博竟日。皆色沮去。遠近譁噪。咸云何物粉兒。獨翻花樣。唱求壯之雉。呼守雌之盧。花骨頭豈真作冰阿堵物。依然入彀。是兒狡哉。蕩子愚矣。然愛其色者。輒難忘情。由是馬繫於場。犬迎於戶。上至官裳。下至胥隸。無不聞香而來。垂涎而至。作幾希望。又以一娘不似妓名。因其愛着杏子衫。又全紅始嫁。薛雪同音。遂呼之為雪裏紅云。一日。有侍御公子某。攜百金來。十擲皆北。明日又來。視甌中已別五紅。其一滾轉不定。公子大聲呼紅。比走盤珠定。則仍守黑者。乃癡立如木雞。女笑曰。險哉。何一紅之難也。女貌雖極妍。而性極生硬。客至。略寒暄。即請博。博已。即下逐客令。不許少一逗遛。公

子恚怒。陰嗾無賴子三四輩。給金使詣女室。將窘辱。沈愧惡。女已譖其意。待金入。已索。即揮手使去。無賴子大閤曰。一臠肉。竟如是昂貴耶。彼博場尚有閒菜酒。為吾輩解饑渴。言已。攬袖欲侮。女聲色不動。略拂纖指。即紛跌庭外數十步。呼婢出。夏楚待其三蹶。而三拍之。跪謝。始釋。鼠竄可憐。後有踵至者。咸悉彼妹艷而勇。無敢褻負者。快快不聞有後言。三載中。均落。落小酬應。從不歌一聲。陪一宴。假一頓笑。而香奩中。纍纍盈五萬金矣。偶語客曰。曷得米。僅娶吾身。今并得吾財。何樂而不為。於是門前車馬更喧。如市井矣。時江建昌李生名崇者。年少尚未娶。避難走燕臺。落拓殊甚。將往投阿姊某宦宅。向為姊夫所惡。然守囊之銀。僅僅十兩。計無出謀于同鄉某。某問曰。子知此間有雪裏紅乎。曰不知。乃告所以。曰。曷拼與一戰。捷則立地成富耳。負則尋女。娶未遲也。生曰。善。洵導之往。女見其貌清俊。而衣襤褸。心憐之。曰。此非樗蒲戲。乃秦晉卜也。登場一麾。絕無翻悔。觀子十金良不易。盡珍重。生笑曰。卿亦過小覷人矣。書生雖貧。量不至為些須露乞兒態。言辭慷慨。其氣態。熊已令佳。人心折。及鏘然一鳴。座客齊鳴采。視甌中。燦燦者。成六出花矣。女亦色喜。嚶嚶一聲。階下噉應。即時結彩。然兩畫燭如椽。氈褥滿堂。水陸新進。婢子引生入曲室。沐浴更新衣。女亦粧靚。偕之交拜。同鄉某宛償贊焉。至漏乍轉。客去。歸洞房。女畧詢家世。即云身已相從。願聞郎志。生頓覺曰。一身落

晚去就頗難然為賈則素惡銅臭為儒則不耐氈寒無已其一行作吏尚可以身許國乎女
檢衽而前曰是尚不愧為紅之夫也旋以臂紅示生曰妾尚女兒身惟夫君憐之生以唾拭
之不去喜曰皮相者疑卿為章臺柳福艷者知卿是佛池蓮僕心醉矣且愛且憐明晨視紅
褪如洗旋以片紙為生納粟得銓閩之某縣令事之任女不令多隨從挾厚資與婢媼均易
男子裝已則纓曼胡吉莫靴負彈弓佩長劍四騎登程經泰山下猝遇響馬賊呼嘯至生
戰栗面灰死女命婢媼護郎君已則縱轡逐賊鋒發連珠鐵彈子如秋風吹落葉賊披靡無
生還者生大駭幾墮騎至前站私詢其何勇過健兒女笑曰措大尚藐視巾幗耶轟隱紅線
輩自在人間惜肉眼人不識耳因把酒重述都中拍無賴事相與捧腹到閩謁長吏女均執
刺代長鬚致無隕越寅寮瞰艷僕疑其有斷袖癖實不知即使君采蘋婦也抵任不半載金陵
賊驅大股豕突至閩驀圍斗大城生集鄉團女簾後窺之笑曰若以此禦賊直推枯拉朽耳
寇深矣且奈何翌日賊更蟬集肆蹂升將瓦解女麾眾登陣斫殺一晝夜攻始懈然耽耽者
猶不去生乞救于中丞牘三申而援不至蓋驛路斷恨無神郵也至夕女以大爵勸生飲生憂
懼涓滴難下咽女笑曰飲亦死不飲亦死曷為醉觴乎生始鯨吸數十爵沉酣眠所坐木椅
上女出裂帛長十數丈者先縛生然後荷于背且縛之極堅固若負襁褓兒仍男裝右提劍

左握護身牌聽野雞三唱晨月朦朧呼鄉團而告之曰事急矣吾負汝使君往乞援三日即返城中諸事聽吾婢嫗指揮可謚無恐也遂開關放之出賊瞰其越濠行甚速又見所負如屋上飯不識云何始疑望繼環擊女且走且禦斬數十人而出重圍焉縣距省垣三百里至則甫卓午走入館舍解背上良人視殘醉猶未醒也往見中丞時撫軍麾下僅萬人意不能多假生將唯諾女在身後突白云但乞中丞分五百人供臂指然必由屬吏自檢擇不中選者勿須也中丞驚詢誰氏子生說以僕對且告其神勇曰是豈崑崙復生乎即傳鼓集演武場女為生暗物色皆捷如猿猱而勇如黑虎為生詣首令某處假兩騎以歸某令見女戲生曰明府當此倉猝尚挈畫郎擲櫻桃耶生莊色對曰山荆也令駭虫訛知其事急延之後堂夫人出拜請須臾畧休息公子一女郎一爭拜膝下乞授業女約以園解日旋整師歸賊正團圍攻堆堞突自背擊之幾疑將軍從天外飛來者戰一晝夜斬馘無算餘孽悉竄女撫膺而歎曰是可驅豺狼而害隣封乎留生入城撫瘡痍已則帥眾追剿至浙界始凱旋當道上其事生卓異遷郡守女詔封成夫人某令遣子女來踐約乞授好身手女畧與一二即已曰羅綺中人得此已無敵無深求也問戰勝大旨曰譬如博孟內六瓊眼前八陣知人知彼目無金牛勝負可立決也問阿姪是何師承曰吾自有師師自有法不足為汝輩言也生每斷

獄女參贊稱神明捕盜尤襄勤惟禁娼則力為諫阻繼以哀泣故案驛百里桃花門巷常數百家成錦繡城也每米輿一出鶯鶯燕燕之儔捧盤匱跪路衢為夫人祝千秋者動以千計此秦魯臣譜弟所米訪魯臣金陵世家子

懊儂氏曰寒蔬中有名雪裏紅者辛辣之品也成夫人隱於粉黛博以相夫坐而裙釵勇于殺賊是桃李之艷而薑桂之性也錫此佳名良不愧耳不言其師而師自大有人在聞之氓感保障之德每至伏臘有以雪裏紅薦春盤者當不敢斥言而呼為成夫人菜乎噫諸葛行營之種可以并傳

鄔生艷遇

鄔榮典字少華任城儒家子年十七尚未婚時正夏五移枕薦置小齋一老僕作伴喜岑寂也一夕溽暑令人思襪襪因遣僕宿外舍自起拂榻拭几剪燭烹茶視皓月一窗不禁遐想背燈危坐口吟一絕云明月此時好美人何處來相憐惟有影綺戶為誰開詩就曼聲吟詠忽一麗人冉冉至年約十五六廣袖長裙烏髻翠黛目盈盈若秋水裙下露蓮綢翹翹若解結之鍾殆畫中人也鄔驚詢曰卿鬼耶曰否人耶曰否然則狐耶笑曰郎志在美婦妾志在情郎偶聽高吟知情之所鍾故冒嫌學私奔之紅拂郎何必嘵嘵詢踪跡曰卿有名乎對曰

賈奴有字乎曰樊禕。鄔不甚了了。第握纖纖手。則柔勝于美。令人魄蕩。相與談論。慧舌生香。旁及詞章。藻思耀采。鄔愛且服。聽玉漏丁丁。牆外之柝四下。促其解衣。則飛紅上頰。約以明宵。野雞四啼。倉皇遽遁。豔果挑燈。自攜衾枕至。備極華麗。人世所無。遂與綢繆。而痛楚莫勝。女曰。妾身猶不雕璞也。乞郎徐徐。幸勿狂暴。事已視清。簾落紅真猶處子。鄔益憐愛。因以臂代枕。口吟一詞云。郎可憐。妾可憐。一對鴛鴦一對鷁。今宵那世緣。莫流連。且流連。生怕鐘鳴欲曙。天情人隔一邊。女喜曰。郎真有情也。妾雖自荐。然得此錯愛。死可不憾也。即和其詞云。風誰家。月誰家。妾豈當門賣笑娃。情深念轉差。香辟邪。玉辟邪。夜雨摧殘一樹花。郎君鄭重些。天曉自摘耳上兩金環。贈鄔曰。以此作定情物。然慎勿示人。恐飛短流長。彼此不利。自此來無虛夕。一夜正偎擁。忽有斑白叟破門入。面靨裂髮蓬飛霜。髯如戟。叱女曰。小妮子。太不識羞恥。既而指鄔曰。污人清白。風狂兒不當殺卻耶。鄔驚惶無地。以被蒙首。口噤不能言。惟齒牙震擊作奇響。自被隙微窺女郎。則俯首却立。殷懃可憐。正疑懼間。老人呵叱益厲。忽僕在外舍。反側匡床間。聲扎扎。二人遂渺。次夜鄔扃戶眠不熟。而女已晨娜在床側。嬌羞慘淡。默無一言。鄔執其手。問昨宵老叟屬卿何人。曰。老父也。曰。卿家大人。險將小生驚煞。然我兩人之情分。豈即盡於此乎。匝月恩愛已逾尋常。某願為卿死。不悔也。女嗟歎久之。始云。郎何癡也。

以郎表表何難得玉臺艷偶而乃犯險阻爭異類哉且家君素嚴翌即遷他郡妾來永辭願
即自愛毋以妾為念鄔失聲大哭女以袖中紅巾拭淚已亦泣曰妾原圖永好耳不意忽觸
高堂殃及君子義難復贖請以所贈賜還非重物也恐郎他日觸目傷心耳天如鑒憐則鏡
可圓而劍可合妾去矣千萬保重言已頓首聽戶外修竹風敲如搖環珮舉簾視金環已不
知于何時攜去然鄔由此玉體羸敗念念不忘玉人有女巫阿翠目能見狐且知狐所在鄔
因邀而問之曰若其好着淡黃幘薄羅衫面團圓如月一笑兩頰生微渦者耶曰然曰是非
他駱氏小素也鄔始恍然悟昔告之名字乃暗切而不肯明言者阿翠請生作簡願任作寄
書郵數日來報云小素忽促不及裁箋着傳語奉復郎君前實緣盡恐還自別去苦郎想思
故幻此形狀俾郎君心死來便寄丹砂一粒可以却病痛鄔視藥小而紅香甚一服疾果瘳
而思女之心亦釋

慎儂氏曰情之所在父母師保不能止天地鬼神不能禁山川河海不能隔顧為情而來
情未盡則麾之不去情既盡即招之不來且不以餘情害情人復能以幻相警癡子是非
真深于情者乎否則朝伐夕戕非髓竭神枯而不已又或潔身而退令人魂銷氣結不能
忘真冤且孽矣尚得謂之情乎如小素者方可與言情

假五通神

雨四十八

南人之崇奉五通猶北人之信狐也。客有販賣阿芙蓉發籍者，往來齊楚間，非一日。阿堵充豫，乃納粟為九品官，在籍候銓。雖煌煌章服，腰珮玉腕，跳脫襟，洋表面，架墨晶鏡，而煙霞營生，不肯棄以故富且貴，居然縉紳矣。客姓萬，乳名佳兒，遂名曰佳字顆珠。幼失怙恃，一身塊然，因性敏貌俊，善蠅頭楷，得為刀筆小吏。娶妻雍，頗風致，尤善艷粧。佳後棄隸學，賈精歌唱，絲竹等藝，日誘良家子作狹斜遊。多外宿不歸，雍獨居挑燈凝睇，對鏡描頰，見己身後若有男子影，心疑夫婿潛回，闔笑喜而回顧，則翩翩美少年，體態妍麗，羊車中人，乃生平所絕未邂逅者也。驚欲研結，覺口噤神迷。少年已偎之坐，細膩熨貼，慰藉良殷。自陳為五通四郎，憐子孤翁，特來相伴。未知卿卿亦如小生之癡情否。雍欲撐拒，覺四郎肌膚中有一縷幽香透入鼻觀，又舌入己口，攪擾吮嘔，心遂大動，聽其所為。事訖神頓清，四郎猶共枕，羞怯歡戀，覺天下男兒無愈四郎美。從此朝夕至，至必飲飲必醉，醉必眠，眠必盡歡而後已。佳偶自外歸，四郎蒼皇竄匿，怒抽壁上刀揮之。四郎遂化白光，一綠鰐然後窗縫中出。問婦婦詭云：無所見。然枕席上竟由此大冷落，無膩語，無歡顏。明日四郎又來，問來婦泣曰：奴方期圖永好，而今已矣。四郎面赭，問故曰：郎既神道，何畏渠凡人曰：非也。人之所以異於禽獸者，為天良耳。既盜其

婦又凌其夫人且不可何況神乎言未已佳持刀突入四郎含笑欲去視門外環立健兒持弓矢以俟蓋佳之布置也四郎牽婦衣袖宛轉哀啼又伏地叩頭願永絕跡佳狂噪刀斫其面如敗鼓聲斫其頭如敗柝響戶外人又欲開門四郎抽擲金錢如雨眾目炫亂始魑從胯下出佳投刀而起拾地下金錢得百餘兩畧酬健兒餘悉入橐月餘婦病不起昏昏無一言夜忽悄起粧飾一新曰四郎來娶我矣佳怒曰既神道何強娶有夫之婦曰嘻子休矣前所得金錢謂何蓋賣婦身值也言已跌榻一笑逝眾聞空際果有鼓吹喧闐人馬雜沓聲逾時始寂佳之同類咸來弔鼓蓋佳反鼓掌曰僕有遠志山荆本贅疣也冀已遂盡遣婢子日挾金資走四方後遇道士授以金針槐角豬皮做假之法利更倍焉漢中史太守嚴厲非常佳能曲意承順有觸逆太守者佳必故與為難詈辱萬端有逢迎太守者佳必預為往來周旋盡致守有過佳攬任於己曰太守何若是以故太守逢人諛贊曰老人虛度悔識萬生晚也偶與千金囑代購佳麗曰此蘇臺土產敢不奉獻囊金往以五百買貧家女先與私通遲疑不進會太守墨賊竟攫為己之第一妾名曰春花其友豫人王七有古癖爛銅碎玉書畫玩好無不珍愛佳代搜羅凡物罕而價昂者必暗貼己橐僅以半價報之以故王大信任嘗謂人曰天下信實更有如萬生者乎會同人過海以女寄佳處曰弱息破衣年矣僕如三年不

聞聽吾弟代覓婚配王去佳嫩女美詭云得坦腹入贅日却扇筵開女掀帕斜睨則鬚鬢鬢目灼灼者佳也曰吾故疑是佳兒曰既有佳兒理配佳婦遂攘為己之第二妾名曰夏雲偶乘焦叟船過鄱陽佳善釀精烹調每餐必拉焦共啖酌欲還東道必堅止翁私帶小貨佳輒澤其稅而倍其值嫩翁女船尾操櫂甚艷冶眉目傳情詢翁何女公子至今無佳婿曰小妮子嬌情慣不欲嫁弄潮兒至瞿塘費金馬客僕又難仰攀是以遲耳曰僕不才九品官也未知許下玉臺否翁掀髯笑曰萬顆珠四十無婦誰敢信曰寃哉結髮死至今尚未續鸞膠指天自誓翁信不疑比入門結褵已三日悔無及翁拚開欲訟之官女曰兒已至此夫復何言佳長跪請死崩角有聲翁長歎拂袖去遂以女為第三妾名曰秋月偶遊楚州勾欄張眉娘家先通其女亭亭暗訂婚娶纏頭甚豐有成議眉娘太息曰不圖吾女先有所歸青樓人珍饈羅綺貴若嬪嬙惟鳳冠補服不可得誠不了恨耳佳曰吾九品官也他日亭亭得花封可貤贈於子眉默默良久小語曰子娶亭亭僅得人而不得財且欲破其財吾年來奩資饒富曷易而娶吾子既得財我又得貴非兩全乎曰棄亭亭奈何曰母子同事一人古有之乎曰有有遂附會小說詭託無稽入門見已有三婦艷眉大哭欲尋死佳極意溫柔化怒為喜蓋以調停冠裳之法來處置閨閣故眾小相安親若姊妹遂以眉為第四妾名曰冬松亭為第五

妾名曰四季。佳更築房廊。終朝笙管。不數漢家顧老之卿矣。聞畫士柯蓮善寫真。邀至寫五妾面龐。酷肖。更繪樓閣。若圓圖。或釣魚。或把酒。或聯句。拈題。或着棋角勝。繪佳短衣淪茗於旁。若奴子狀。題曰五美圖。工竣。佳酬以洋妖一枚。柯爭較。佳怒曰。吾九品官也。尚不足役一畫士。則捐官者何榮耀耶。立叱之出。柯忍辱。禱於五通之廟。佳不知也。一夜醉歸。奴子篝燈至中門止步。蓋佳立僅約如此。甫履庭院。聞五美房中笑聲盈耳。燈光熒熒。潛詣四季。則一狐裘丈夫。偃四季捫乳。四季笑吃吃不休。怒叱走入。丈夫徐起。則貌與己同。無纖毫差。彼曰。噫。是何妖魅。敢化吾形。來惑四季耶。吾結髮為五通神。所殺想又垂涎於子。不然施施從外來者。誰歟。抽刀而前。四季亦執剪刀相助。勢甚兇兇。佳呼曰。五娘莫信他貌。雖同。吾衣羊裘可辨也。旋見丈夫羊裘而已。則狐裘矣。衆媼揮杖爭擊狐裘人。幾斃。急逸入冬松室。亦有一貂裘丈夫。抱冬松飲醇醪。拈花為戲。見佳入。語亦同前。佳曰。吾衣狐裘。可辨也。旋見丈夫狐裘。已則貂裘。衆婢持帚爭撲貂裘人。逸入夏雲房。亦有一狼裘丈夫。樓夏雲撫案看春冊。較量筆墨。工細。聞外間鬨鬧。故作驚訝。告雲曰。卿勿怖。此五通也。聞渠善變。無毫髮爽。先與卿約。吾衣狼裘。若見衣貂裘者。為五通。可誘之入。利劍斷其首。卿能助我乎。曰諾。果就床頭拔劍授彼。佳大驚。趨就秋月。則又一猗猗裘丈夫。擁秋月圍爐爆栗。且咬且笑。見佳入。大笑曰。